



Broj: 01-46/15
Vareš, 31.03. 2015. godine

Z A P I S N I K
s 25. sjednice Općinskog vijeća Vareš,
održane 28.01. 2015. godine

Zdravko Marošević – predsjedavajući Općinskog vijeća Vareš, otvorio je 25. sjednicu s početkom u 16,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Mahira Brkić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Kenan Kamenjaš, Đemo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Jasmin Salketić, Goran Selak i Nikola Šimić.

Odsutni: Zdravko Barkić.

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, šef Kabineta Općinskog načelnika – gosp. Ibarahim Spahić, pomoćnici općinskog načelnika gosp. Ermin Musa, gosp. Rusmir Berberović i gosp. Željko Franjić, ispred Službe za privredu i finansije – gosp. Senad Mahmutović, ministrica finansija ZDK - gosp. Sabina Heljić, ministar poljoprivrede, šumarstva i vodoprivrede ZDK - gosp. Bojan Bošnjak, predstavnici firme „Higracon“ d.o.o. Sarajevo – gosp. Armin Hadžialić i gosp. Hamo Ramić, komandir PS Vareš – gosp. Meho Bajrić, ispred BBM d.o.o. Vareš – gosp. Izudin Sjerotanović i predsjednici političkih stranaka.

Sekretar OV Leon Pavlović izvijestio je Vijeće o realizaciji Zaključaka sa 24. sjednice OV održane 29.12.2014. godine. Na 24. sjednici OV donesena su tri (3) Zaključka koji su u toku realizacije. Postavljena su dva (2) vijećnička pitanja na koja Stručna služba OV nije dobila odgovore, a niti vijećnici.

Općinski načelnik Avdija Kovačević u okviru aktualne problematike na području općine Vareš, upoznao je prisutne da su po nalogu središnjeg ureda – Zenica Poreske uprave FBiH, 08.01.2015. godine blokirani svi računi Općine Vareš zbog neizmirenih obaveza koje su nastale u periodu 2002-2008. godina i jedan dio u 2014. godini. Obaveze proističu iz neplaćenih poreza i doprinosa po osnovu penziono-invalidskog i zdravstvenog osiguranja u iznosu glavnice od 2.031.345,05 KM. U svom izlaganju Općinski načelnik izvijestio je prisutne o pokrenutoj zakonskoj proceduri i aktivnostima Općine Vareš prema nadležnim višim nivoima vlasti u vezi rješavanja nastale situacije. Istakao je da se paralelno sa ovim aktivnostima moraju voditi i drugi postupci koji će podrazumijevati uvođenje i drugih mjera koje će za posljedicu imati sankcionisanje troškova na kratkoročnom i dugoročnom planu. Upoznao je prisutne i sa aktivnostima koje su vođene sa Sindikalnom organizacijom Općine Vareš. Također je izvijestio prisutne da je urađen novi Pravilnik o unutrašnjoj organizaciji jedinstvenog općinskog organa uprave Općine Vareš i Stručne službe Općinskog vijeća, koji stupa na snagu sa današnjim danom i određenim zakonskim procedurama koje je potrebno sprovesti u vezi implementacije istog. U svom izlaganju izjavio je da je ponudio ostavku na mjesto Načelnika sa kojom je upoznat predsjedavajući OV i Kolegij OV i da je zakonska procedura

u vezi ostavke u nadležnosti Centralne izborne komisije BiH. Izjavio je da se ne osjeća odgovornim za stanje koje je zatekao u Općini Vareš preuzimajući mandat Načelnika 16. novembra 2012. godine, ali se smatra politički odgovornim za postupke koje je trebao da uradi maksimalno u toku prve godine mandata a nije uradio, a radi se o provođenju mjera koje su trebale tada da se provedu a koje se sada neophodno moraju sprovesti. Također je izjavio da se osjeća odgovornim za iznos od 313.000 KM po osnovu neplaćenih doprinosa radnicima organa uprave Općine Vareš iz 2014. godine o čemu je dao pojašnjenje.

Predsjedavajući OV pozvao je sve vijećnike da se radi javnosti uključe u diskusiju u vezi nastale situacije o kojoj je u svom izlaganju govorio Općinski načelnik.

Vijećnik Elvir Rožajac u svom obraćanju izjavio da je situacija doista zabrinjavajuća i da su odgovorni za nastalu situaciju –dugovanja iz prošlog mandata trebali snositi krivičnu odgovornost.

Vijećnica Mahira Brkić u svom obraćanju izjavila je da i Vijeće snosi djelomičnu odgovornost na nastalu situaciju o čemu je dala pojašnjenje.

Općinski načelnik Avdija Kovačević u svom obraćanju dao je pojašnjenja za iznesene diskusije vijećnika Elvira Rožajac i Mahire Brkić te upoznao prisutne sa planiranom realizacijom projekata u 2015. godinu kada su u pitanju kapitalna ulaganja.

Predsjedavajući OV u svom obraćanju zahvalio se Načelniku na iscrpnom izlaganju u vezi nastale situacije, na osnovu koje je zbog javnosti i zatražio od vijećnika da iznesu svoje mišljenje u vezi iste.

(Vijećnička pitanja)

Demo Kevrić

Nije dobio odgovor na postavljeno vijećničko pitanje na 24. sjednici OV i ponovo traži da mu se na isto odgovori.. *(Da li su se prevoznici koji obavljaju djelatnost prevoza ljudi obavezali da vrše samo prevoz učenika na pojedine linije, odnosno mjesne zajednice ili u cijelosti? Šta je sa prevozom radnika i građana u ove mjesne zajednice gdje su se obavezali prevozom, konkretno to se odnosi na firmu „Ljaljić“.)*

1. Tko je dao upotrebnu dozvolu i kakve su obaveze autoprevozničke djelatnosti firme „Ljaljić“ koja koristi prostorije stare „Kasine? O postavljenom pitanju dao je pojašnjenje.
2. Može li se u toku zimskog perioda, zbog uštede, gasiti rasvjeta na stadionu (kod Osnovne škole Vareš)? O postavljenom pitanju dao je pojašnjenje.

Elvir Rožajac

3. Traži od nadležnih u organu uprave Općine Vareš da ukoliko postoji mogućnost, sugerišu vozačima autobusa (Centrotrans i Autotrans), da autobuse parkiraju na mjesto koje je asfaltirano i namijenjeno za parkiranje autobusa, te da se zbog sigurnosti postavi zaštitna ograda na dijelu korita rijeke Stavnje (dio od mosta ispred Vatrogasnog doma i oglasne table kod zgrade Općine Vareš). O postavljenom pitanju dao je pojašnjenje.
4. Traži od nadležne službe organa uprave Općine Vareš da izvidi mogućnost i sugeriše nadležnim za održavanje puteva, da prilikom zimskog održavanja, stavljanja posipnog materijala na gradske puteve koriste so? O postavljenom pitanju dao je pojašnjenje.

Mahira Brkić

5. Pitanje upućeno JKP d.o.o. Vareš. – Zašto nije vršeno redovno zimsko održavanje puteva, odnosno poteza Šimin Potok-Ravne u proteklom periodu sa akcentom na period 22.01-25.01. 2015. godine? O postavljenom pitanju dala je pojašnjenje.
6. Pitanje upućeno nadležnoj službi organa uprave Općine Vareš. – Zašto nije izvršena refundacija, odnosno isplaćen poticaj za poljoprivrednike koji su realizovali zasade

malina po projektu sa nevladinom organizacijom iz oblasti poljoprivrede? Ukoliko su sredstva za ovaj vid poticaja bila opravdana, da li su ista preusmjerena u druge svrhe i ako jesu u koje, da li je i kada planirana isplata po ovom osnovu? O postavljenom pitanju dala je pojašnjenje.

Predsjedavajući OV stavio je na raspravu Zapisnik sa 24. sjednice OV.

Nije bilo primjedbi i predsjedavajući OV stavio je na izjašnjanje Zapisnik sa 24. sjednice OV, te nakon izjašnjanja vijećnika konstatuje da je **Zapisnik sa 24. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 25. sjednicu OV koji je usaglašen na Kolegiju Općinskog vijeća.

Općinski načelnik Kovačević Avdija predložio je izmjenu dnevnog reda tako da tačka 6. „Prijedlog Zaključka o davanju saglasnosti za provođenje postupka dodjele koncesije za izgradnju malih hidroelektrana na rijeci Tribiji, općina Vareš, i to: MHE „Han Pobilje“, MHE „Tribija“ i MHE „Ušće“ razmatra se kao tačka 1., a tačka 10. „Informacija o radu Policijske stanice Vareš sa ocjenom stanja bezbjednosti za 2014. godinu, razmatra se kao tačka 2. dnevnog reda. O predloženom dao je pojašnjenje u kome je Vijeće zamolio da uvažuje prijedlog, zbog gostiju koji su došli na sjednicu vezano za gore navedene tačke dnevnog reda.

Nakon kraćih konsultacija predsjedavajući OV je predložio da dnevni red ostaje nepromijenjen, s tim da Vijeće tačke 6. i 10. razmatra prije tačke 1. dnevnog reda, što je Vijeće jednoglasno i prihvatilo.

Predsjedavajući OV upoznao je Vijeće da su predstavnici firme „Higrocom“ d.o.o. Sarajevo za tačku 6. Prijedlog Zaključka o davanju saglasnosti za provođenje postupka dodjele koncesije za izgradnju malih hidroelektrana na rijeci Tribiji, općina Vareš, i to: MHE „Han Pobilje“, MHE „Tribija“ i MHE „Ušće, pripremili prezentaciju.

Nije više bilo rasprave i predsjedavajući OV stavio je na izjašnjanje prijedlog dnevnog reda za 25. sjednicu, te nakon izjašnjanja vijećnika konstatuje da je **jednoglasno usvojen s l i j e d e ć i**

Dnevni red

- 1. Prijedlog Odluke o kriterijima za dodjelu sredstava porodicama čije su stambene jedinice uništene usljed prirodne nesreće.**
 - Izvjestilac: Služba za civilnu zaštitu
- 2. Prijedlog Odluke o prosječnoj konačnoj građevinskoj cijeni 1m² korisne stambene površine na području općine Vareš za 2014. godinu.**
 - Izvjestilac: Služba za prostorno uređenje i obnovu
- 3. Prijedlog Odluke o raspodjeli sredstava za političke stranke i koalicije političkih stranaka u Općinskom vijeću Vareš iz budžeta Općine Vareš za 2015. godinu**
 - Izvjestilac: Služba za privredu i finansije
- 4. Prijedlog Odluke o izmjeni Odluke o utvrđivanju platnih razreda i koeficijenata za obračun plaća državnih službenika i namještenika u Jedinostvenom općinskom organu uprave Općine Vareš i Stručnoj službi Općinskog vijeća i Općinskog načelnika**
 - Izvjestilac: Služba za privredu i finansije
- 5. Prijedlog Izmjene i dopune budžeta/proračuna Općine Vareš za 2015. godinu.**
 - Izvjestilac: Služba za privredu i finansije

- 6. Prijedlog Zaključka o davanju saglasnosti za provođenje postupka dodjele koncesije za izgradnju malih hidroelektrana na rijeci Tribiji, općina Vareš, i to: MHE „Han Pobilje“, MHE „Tribija“ i MHE „Ušće“.**
 - Izvjestilac: Služba za prostorno uređenje i obnovu
- 7. Prijedlog Programa rada Općinskog načelnika za 2015. godinu.**
 - Izvjestilac: Općinski načelnik:
- 8. Izvještaj o realizaciji Programa rada Općinskog vijeća Vareš za 2014. godinu**
 - Izvjestilac: Sekretar OV
- 9. Izvještaj o rješavanju upravnih stvari u upravnom postupku svih Općinskih službi za upravu u 2014. godini.**
 - Izvjestilac: Služba za opću upravu
- 10. Informacija o radu Policijske stanice Vareš sa ocjenom stanja bezbjednosti za 2014. godinu.**
 - Izvjestilac: PS Vareš
- 11. Informacija o stanju i podacima usluga koje pruža Centar za pružanje usluga građanima za 2014. godinu.**
 - Izvjestilac: Služba za opću upravu
- 12. Tekuća pitanja.**

Ad. 6.

(Prijedlog Zaključka o davanju saglasnosti za provođenje postupka dodjele koncesije za izgradnju malih hidroelektrana na rijeci Tribiji, općina Vareš, i to: MHE „Han Pobilje, MHE „Tribija“ i MHE „Ušće“.)

Pomoćnik načelnika Ermin Musa ispred predlagača upoznao je Vijeće sa tehničkim ispravkama u preambuli Prijedloga Zaključka. Upoznao je prisutne da su za ovu tačku dnevnog reda , ispred obrađivača studije prisutni predstavnici firme „Higrocom“ d.o.o. Sarajevo koji će za istu dati i obrazloženje.

Za riječ se javio vijećnik Ismet Abdulahović koji je u svom obraćanju skrenuo pažnju Vijeću da ovaj dokument nije razmatrala Komisija za statutarna pitanja i propise i da nije sprovedena javna rasprava po istom, a što je u skladu sa Statutom općine Vareš.

Za riječ se javio vijećnik Mario Mirčić koji je predložio da predstavnici firme „Higrocom“ d.o.o. Sarajevo prezentuju i daju objašnjenje za urađenu studiju, a onda da se vodi rasprava o cijeloj problematici.

Predsjedavajući OV skrenuo je pažnju vijećnicima na odredbe Poslovnika o radu OV i prava vijećnika vezana za usvajanje tački dnevnog reda.

Predsjedavajući OV pozvao je predstavnike da izvrše prezentaciju za ovu tačku dnevnog reda.

Predstavnici firme „Higrocom“ d.o.o. Sarajevo prezentirali su prisutnima studiju i dali opširno pojašnjenje za ovu tačku dnevnog reda.

Nakon završene prezentacije u raspravi su učestvovali vijećnici:

Elvir Rožajac koji je izjavio da je protiv izgradnje mini hidroelektrana o čemu je dao i pojašnjenje.

Predsjedavajući OV Zdravko Marošević skrenuo je pažnju vijećnicima da ne raspravljaju o stvarima koje nisu u nadležnosti Vijeća. Dodao je da eventualnim usvajanjem ovog zaključka, daje se suglasnost za provedbu postupka u kome će se sprovesti javna rasprava i sve potrebne zakonske procedure.

Elvir Rožajac javio se za repliku u kojoj je izjavio da on iznosi svoj stav kao vijećnik „Nашe stranke“. Predsjedavajući OV Zdravko Marošević izjavio je da je dužnost i obaveza predsjedavajućeg OV da vijećnike po potrebi upozori na Kodeks ponašanja.

Boško Andrić u svom izlaganju iznio je svoje mišljenje, kad se radi o ovakvim temama, da bi bilo dobro da se izjasne stanovnici, odnosno zbor mjesne zajednice, u ovom slučaju zbor MZ Vijaka.

Zamjenica predsjedavajućeg OV Mahira Brkić u svom obraćanju ispred Kluba SB iznijela je stav da Klub neće sada podržati ovaj zaključak. Ukoliko se pruži prilika da građani daju svoje pozitivno mišljenje i da nadležni iznesu argumente, onda postoji mogućnost da Klub promijeni mišljenje.

Ismet Abdulahović ispred Kluba BPS izjavio je da Klub neće podržati ovu tačku dnevnog reda jer je mišljenja da nije u skladu sa zakonom, o čemu je dao pojašnjenje. Sugerisao je da se donese zaključak da delegacija ispred OV Vareš organizuje obilazak mini hidroelektrane u Fojnici.

Mahira Brkić replicirala je vijećniku Ismetu Abdulahović.

Predsjedavajući OV Zdravko Marošević u svom obraćanju skrenuo je pažnju da je Ministarstvo poljoprivrede, šumarstva i vodoprivrede ZDK nadležno i odgovorno za provođenje cjelokupne procedure, te da je istom potrebno dostaviti zaključak na dalje postupanje.

Mario Mirčić mišljena je da bi se u članu 2. zaključka trebalo ugraditi da resorno ministarstvo treba da povede računa o potencijalnim mišljenjima i o drugim stvarima koje je u diskusiji iznio vijećnik Boško Andrić.

U daljoj raspravi su učestvovali vijećnik Goran Selak koji je tražio dodatno pojašnjenje od predlagача u vezi flore i faune, vijećnik Boško Andrić i predsjedavajući OV koji je još jednom naglasio da se ovim zaključkom samo otvara proces koji se odnosi na mini hidroelektrane.

Za riječ se javio Općinski načelnik Avdija Kovačević koji je u svom obraćanju dao pojašnjenje u vezi zakonskih procedura i svih ostalih potrebnih radnji u vezi provedbe ovog postupka, te o finansijskim efektima od određenih koncesija.

Predstavnik firme „Higrocom“ d.o.o. Sarajevo dao je dodatno pojašnjenje i odgovore na postavljena pitanja vijećnika u raspravi.

Zaključena je rasprava i predsjedavajući OV stavio je na izjašnjavanje Prijedlog Zaključka o davanju saglasnosti za provođenje postupka dodjele koncesije za izgradnju malih hidroelektrana na rijeci Tribiji, općina Vareš i to: MHE „Han Pobilje“, MHE „Tribija“ i MHE „Ušće“.

Nakon izjašnjavanja vijećnika predsjedavajući OV konstatuje da je sa **13 glasova „ZA“ i 5 glasova „PROTIV“ usvojen**

Zaključak davanju saglasnosti za provođenje postupka dodjele koncesije za izgradnju malih hidroelektrana na rijeci Tribiji, općina Vareš i to: MHE „Han Pobilje“, MHE „Tribija“ i MHE „Ušće“.

Ad.10.

(Informacija o radu Policijske stanice Vareš sa ocjenom stanja bezbjednosti za 2014. godinu.)

Otvorena je rasprava u kojoj su učestvovali vijećnici: Elvir Rožajac, Nikola Šimić i Kenan Kamenjaš.

Komandir PS Vareš u svom obraćanju dao je odgovor na postavljeno pitanje vijećnika Elvira Rožajac (u vezi stradanja momka u Vijaci) i na pitanje vijećnika Nikole Šimić u vezi krađe trafa u MZ Dragovići.

Zaključena je rasprava i predsjedavajući OV konstatuje uz Zaključak da je Vijeće **primilo k znanju**

Informaciju o radu Policijske stanice Vareš sa ocjenom stanja bezbjednosti za 2014. godinu.

Predsjedavajući OV dao je pauzu.

Nastavljeno je sa radom sjednice.

Ad. 1.

(Prijedlog Odluke o kriterijima za dodjelu sredstava porodicama čije su stambene jedinice uništene usljed prirodne nesreće.)

Komisija za statutarna pitanja i propise na 21. sjednici održanoj 20. 01. 2015. godine jednoglasno je donijela slijedeći

Zaključak:

- Komisija nema primjedbi na Prijedlog Odluke o kriterijima za dodjelu sredstava porodicama čije su stambene jedinice uništene usljed prirodne nesreće, s tim da se u preambuli Odluke iza riječi „Na osnovu“ dodaju riječi „ člana 3. Zakona o finansiranju pomoći za otklanjanje posljedica prirodne nesreće i obnovu područja zahvaćenim prirodnim nesrećama („Sl. novine FBiH“ broj: 59/14)“, ostali tekst ostaje isti, te je upućuje Vijeću na razmatranje.

Otvorena je rasprava u kojoj je vijećnik Goran Selak predložio je da se u članu 3. pod tačkom 2. dodaju riječi „da je fizičko lice na dan poplava živjelo u stambenoj jedinici koja je predmet obnove“. O predloženom dao je pojašnjenje.

Općinski načelnik Avdija Kovačević kao ovlaštenu predlagač u pojašnjenju koje je dao u vezi iznesenog prijedloga, naglasio je da je zakonodavac (Federalni fond za pomoć nastradalim područjima od prirodne nesreće na teritoriji FBiH) jasno propisao da mi ne moramo tražiti CIPS prijavu da je to lice tog momenta tu boravilo.

Zaključena je rasprava i predsjedavajući OV stavio je na izjašnjavanje Prijedlog Odluke o kriterijima za dodjelu sredstava porodicama čije su stambene jedinice uništene usljed prirodne nesreće.

Nakon izjašnjavanja vijećnika predsjedavajući OV konstatuje da je sa **16 glasova „ZA“ i 1 „SUZDRŽANIM“ glasom usvojena**

Odluka o kriterijima za dodjelu sredstava porodicama čije su stambene jedinice uništene usljed prirodne nesreće.

Ad. 2.

(Prijedlog Odluke o prosječnoj konačnoj građevinskoj cijeni 1m² korisne stambene površine na području općine Vareš za 2014. godinu.)

Komisija za statutarna pitanja i propise na 21. sjednici održanoj 20.01.2015. godine, jednoglasno je donijela slijedeći

Zaključak:

-Komisija nema primjedbi na Prijedlog Odluke o prosječnoj građevinskoj cijeni 1 m² korisne stambene površine na području općine Vareš za 2014. godinu, te je upućuje Vijeću na razmatranje.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o prosječnoj konačnoj građevinskoj cijeni 1m² korisne stambene površine na području općine Vareš za 2014. godinu.

Nakon izjašnjavanja vijećnika predsjedavajući OV konstatuje da je **jednoglasno usvojena**

Odluka o prosječnoj konačnoj građevinskoj cijeni 1m² korisne stambene površine na području općine Vareš za 2014. godinu.

Ad. 3.

(Prijedlog Odluke o raspodjeli sredstava za političke stranke i koalicije političkih stranaka u Općinskom vijeću Vareš iz budžeta Općine Vareš za 2015. godinu.)

Komisija za statutarna pitanja i propise na 21. sjednici održanoj 20.01.2015. godine, jednoglasno je donijela slijedeći

Zaključak.

-Komisija nema primjedbi na Prijedlog Odluke o raspodjeli sredstava za političke stranke i koalicije političkih stranaka u Općinskom vijeću Vareš iz budžeta Općine Vareš za 2015. godinu, ostali tekst ostaje isti, te je upućuje Vijeću na razmatranje.

Nije bilo rasprave po ovoj tački dnevnog reda i predsjedavajući OV stavio je na izjašnjavaње Prijedlog Odluke o raspodjeli sredstava za političke stranke i koalicije političkih stranaka u Općinskom vijeću Vareš iz budžeta Općine Vareš za 2015. godinu

Nakon izjašnjavaња vijećnika predsjedavajući OV konstatuje da je **jednoglasno usvojena**

Odluka o raspodjeli sredstava za političke stranke i koalicije političkih stranaka u Općinskom vijeću Vareš iz budžeta Općine Vareš za 2015. godinu.

Ad.4.

(Prijedlog Odluke o izmjeni Odluke o utvrđivanju platnih razreda i koeficijenata za obračun plaća državnih službenika i namještenika u Jedinstvenom Općinskom organu uprave Općine Vareš i Stručnoj službi Općinskog vijeća i Općinskog načelnika.)

Komisija za statutarna pitanja i propise na 21. sjednici održanoj 20.01.2015. godine, jednoglasno je donijela slijedeći

Zaključak:

- **Komisija nema primjedbi na Prijedlog Odluke o izmjeni Odluke o utvrđivanju platnih razreda i koeficijenata za obračun plaća državnih službenika i namještenika u Jedinstvenom općinskom organu uprave Općine Vareš i Stručnoj službi Općinskog vijeća i Općinskog načelnika.**

Nije bilo rasprave po ovoj tački dnevnog reda i predsjedavajući OV stavio je na izjašnjavaње Prijedlog Odluke utvrđivanju platnih razreda i koeficijenata za obračun plaća državnih službenika i namještenika u Jedinstvenom Općinskom organu uprave Općine Vareš i Stručnoj službi Općinskog vijeća i Općinskog načelnika.

Nakon izjašnjavaња vijećnika predsjedavajući OV konstatuje da je sa **15 glasova „ZA“, 1 glasom „PROTIV“ i 1 „SUZDRŽANIM“ glasom usvojena**

Odluka o izmjeni Odluke o utvrđivanju platnih razreda i koeficijenata za obračun plaća državnih službenika i namještenika u Jedinstvenom Općinskom organu uprave Općine Vareš i Stručnoj službi Općinskog vijeća i Općinskog načelnika

Ad. 5.

(Prijedlog Izmjene i dopune budžeta/proračuna Općine Vareš za 2015. godinu.)

Ispred predlagача Senad Mahmutović dao je dodatno pojašnjenje za ovu tačku dnevnog reda u kome je izjavio da su u odnosu na usvojeni budžet Općine Vareš za 2015. godinu, promjene izvršene u rashodovnoj strani, zbog nastale blokade računa Općine Vareš od strane Federalne Poreske uprave. Izmjene i dopune budžeta morale su se uraditi kako bi se krenulo u proces podnošenja molbe za potpisivanje sporazuma plaćanja duga u ratama sa Poreznom upravom.

Otvorena je rasprava u kojoj su svoje primjedbe, stavove i mišljenja iznijeli vijećnici:

Mahira Brkić koja je u svom izlaganju tražila pojašnjenje za stavku i iznos planiran za plaće i stavku planiranu za poticaj poljoprivredne proizvodnje. Klub SBB će podržati ovu tačku dnevnog reda.

Elvir Rožajac u svom obraćanju izjavio je da će podržati ovu tačku dnevnog reda o čemu je dao pojašnjenje.

Mario Mirčić u svom obraćanju izjavio je da će podržati ovu tačku dnevnog reda.

Ismet Abdulahović u svom izlaganju zatražio je od Općinskog načelnika da odgovori koliko je sredstava uplaćeno Općini Vareš od strane dužnika (iznos od 3.323.000 KM) i na osnovu Odluke o kreditnom zaduženju Općine Vareš u iznosu od 250.000 KM za izmirenje poreznih obaveza, koliko je sredstava uplaćeno Poreznoj upravi.

Za riječ se javio Općinski načelnik Avdija Kovačević koji je u svom izlaganju iznio razloge za izradu ovog Rebalansa i podsjetio prisutne na pravila za osnovu, odnosno da su indirektni porezi osnovica za obračun plaće, o čemu je dao i pojašnjenje. U vezi postavljenog pitanja vijećnika Ismeta Abdulahović koje se odnosi na kreditna sredstva odgovorio je da nisu sva sredstva uplaćena za poreze i doprinose, jer je jedan dio od tih sredstava uplaćen za izvršnu sudsku presudu koja se morala realizovati. Upoznao je prisutne sa podacima koji se odnose na ukupna stalna sredstva općine Vareš, potraživanja i dugovanja općine Vareš. Dao je pojašnjenje i odgovor u vezi postavljenog pitanja vijećnice Mahire Brkić koje se odnosi za poticaj za poljoprivrednu proizvodnju. Na kraju svog izlaganja dodao je da se nada i vjeruje da će općina Vareš u što skorije vrijeme riješiti novonastalu situaciju.

Mahira Brkić zatražila je pojašnjenje koji će element uticati na smanjenje iznosa za plaće.

Đemo Kevrić u svom obraćanju podsjetio je prisutne da je Klub BPS uložio amandmane na Nacrt Budžeta za 2015. godinu, koji nisu tada prihvaćeni, te da se većina njih nalazi sada u Rebalansu. Predložio je da se u maju mjesecu Vijeću dostavi informacija o realizaciji Rebalansa za 2015. godinu.

Zdenko Franjić u svom izlaganju podsjetio je prisutne na stavove koje je Klub SDP iznosio na ranijem sjednicama OV u vezi ušteta u budžetu, te izjavio da će Klub SDP podržati ovu tačku dnevnog reda.

Predsjedavajući OV Zdravko Marošević u svojstvu vijećnika iznio je mišljenje u vezi ove tačke dnevnog reda te izjavio da su ove mjere štednje donesene zbog novonastale situacije. Zamolio je sve građane na koje se odnose mjere štednje (nevladin sektor, mjesne zajednice i sl.) da imaju razumijevanja dok se ne stabilizuje budžet, jer su ovo privremene mjere štednje.

Nikola Šimić u svom obraćanju iznio je mišljenje u vezi ove tačke dnevnog reda te izjavio da će podržati ovu tačku dnevnog reda o čemu je dao i pojašnjenje.

Kenan Kamenjaš u svom obraćanju iznio je stav Kluba SDA i izjavo da će Klub podržati ovu tačku dnevnog reda. Iznio je svoje mišljenje u vezi nastale situacije.

U daljoj raspravi su učestvovali vijećnici Elvir Rožajac, Mahira Brkić i Općinski načelnik Avdija Kovačević koji je dao dodatna pojašnjenja u vezi iznesenih primjedbi, prijedloga i diskusija vijećnika u raspravi.

Za riječ se javio vijećnik Đemo Kevrić koji je predložio prijedlog zaključka i zatražio da se Vijeće izjasni o istom: -Da se isplata plaća u Jedinstvenom općinskom organu Općine Vareš, u periodu od tri a najviše do šest mjeseci, za sve zaposlenike isplaćuje u iznosu od 70% od prosječne plaće u FBiH.

Predsjedavajući OV je na osnovu predloženog zaključka od strane vijećnika Đeme Kevrić izjavio da se Vijeće ne može o istom izjasniti jer to nije u nadležnosti Vijeća.

Nije više bilo učesnika u raspravi i predsjedavajući OV stavio je na izjašnjavanje Prijedlog Izmjene i dopune budžeta/proračuna Općine Vareš za 2015. godinu.

Nakon izjašnjavanja vijećnika predsjedavajući OV je konstatovao da **su jednoglasno usvojene**

Izmjene i dopune budžeta/proračuna Općine Vareš za 2015. godinu.

Ad. 7.

(Prijedlog Programa rada Općinskog načelnika za 2015. godinu.)

Predsjedavajući OV u svom kratkom obraćanju napomenuo je da je potrebno kod viših nivoa Vlasti pokušati iznaći sredstva za poticaj za poljoprivrednu proizvodnju, kao i za ostale potrebe.

Nije više bilo učesnika u raspravi i predsjedavajući OV stavio je na izjašnjanje Prijedlog Programa rada Općinskog načelnika za 2015. godinu.

Nakon izjašnjanja vijećnika predsjedavajući OV konstatuje da je **jednoglasno usvojen**

Program rada Općinskog načelnika za 2015. godinu.

Ad. 8.

(Izveštaj o realizaciji Programa rada Općinskog vijeća Vareš za 2014. godinu.)

Sekretar OV dao je kratko pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Mario Mirčić.

Nije više bilo učesnika u raspravi i predsjedavajući OV stavio je na izjašnjanje Izveštaj o realizaciji Programa rada Općinskog vijeća Vareš za 2014. godinu.

Nakon izjašnjanja vijećnika predsjedavajući OV konstatuje da je **jednoglasno usvojen**

Izveštaj o realizaciji Programa rada Općinskog vijeća Vareš za 2014. godinu.

Ad. 9.

(Izveštaj o rješavanju upravnih stvari u upravnom postupku svih Općinskih službi za upravu u 2014. godini.)

Nije bilo rasprave po ovoj tački dnevnog reda i predsjedavajući OV stavio je na izjašnjanje Izveštaj o rješavanju upravnih stvari u upravnom postupku svih Općinskih službi za upravu u 2014. godini.

Nakon izjašnjanja vijećnika predsjedavajući OV konstatuje da je **jednoglasno usvojen**

Izveštaj o rješavanju upravnih stvari u upravnom postupku svih Općinskih službi za upravu u 2014. godini.

Ad. 11.

(Informacija o stanju i podacima usluga koje pruža Centar za pružanje usluga građanima za 2014. godinu.)

Nije bilo rasprave po ovoj tački dnevnog reda i predsjedavajući OV konstatuje uz Zaključak da je Vijeće **primilo k znanju**

Informaciju o stanju i podacima usluga koje pruža Centar za pružanje usluga građanima za 2014. godinu.

Ad. 12.

(Tekuća pitanja.)

1. Predsjedavajući OV upoznao je prisutne da je Vijeću dostavljen na znanje dopis Skupštine ZDK broj: 01-37-977-1/15 od 20.01.2015. godine, koji je Skupština ZDK uputila Vladi ZDK a u vezi Zahtjeva za urgentno djelovanje kantonalne i općinske administracije u cilju uspješnog ostvarivanja zdravstvene zaštite građana općine Vareš broj: 01-20-24/15 od 14.01.2015. godine.
2. Predsjedavajući OV upoznao je prisutne da su Vijeću dostavljeni Zaključci broj 01-1/15 od 20.01.2015. godine u vezi novonastale situacije i blokade računa Općine Vareš. Predsjedavajući OV je konstatovao da je Općinski načelnik kroz raspravu na današnjoj sjednici dao neke odgovore i izvijestio prisutne o pokrenutim radnjama u vezi istog.
3. Vijećnik Mario Mirčić iznio je problem u vezi naplate provizije prilikom plaćanja računa za usluge BH Telecoma na šalteru pošte, te u vezi s tim predložio da se uputi zahtjev BH Telecomu za uspostavu naplatnog mjesta u pošti u Vareš.

Za riječ se javio Općinski načelnik koji je dao dodatno pojašnjenje u vezi prijedloga vijećnika Maria Mirčić predložio

Zaključak:

- **Ispred Općine Vareš uputiti zahtjev BH Telecomu Centru telekomunikacija Zenica, da se što prije u okviru PJ BH Telecoma (pošta u Varešu), otvori naplatno mjesto (šalter za plaćanje računa telefona, interneta) BH Telecoma kako bi građani izbjegli plaćanje dodatnih usluga (provizije) u pošti.**

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je **jednoglasno usvojen predloženi Zaključak.**

4. Vijećnik Jasmin Salketić upoznao je prisutne i javnost da je u MZ Dabravine izvršen inspeksijski nadzor vodovoda od strane Kantonalne inspekcije. Inspekcija je naložila da se sprovedu određene mjere, koje je MZ Dabravine i realizovala. Nakon toga 08.01. 2015. godine urađena je ponovna analiza vode i dostavljen su nalaz vode da je voda ispravna.

Sastavni dio ovog Zapisnika je audio zapis sjednice.

Sjednica je završena u 21,30 sati.

SEKRETAR

Leon Pavlović

ZAPISNIČAR

Azra Ibrahimović

PREDSJEDAVALAČI

Zdravko Marošević